

Adjuvante Suprēmo Nume! 9.

DISSERTATIO ACADEMICA
TRIGAM THESIUM
PHYSICARUM,
EXHIBENS;

Qvam,

Ex suffragio & induit Amplissimi Senatus
Philosophici in inclito & Regio Lyceo Aboensi

SUB PRÆSIDIO,

Viri Clarissimi

Dn. Mag. PETRI HAHN,

Scientiæ naturalis Professoris Ordin. & Reg. hoc tempore
RECTORIS MAGNIFICI, nec non ejusdem Universitatis Bi-
bliothecrii Solertissimi, Patroni & Promotoris, quovis
officio & animi veneratione ater-
num suspiciendi,

Publico bonorum, Eruditorumque examini
modestè committit

MARTINUS GRÄU J. F.
Nylandus.

Ad diem 27. Maij, Anni 1691.

In Auditorio majori, horis solitis antem.

ABOÆ,

Excudebat JOHANNES Winter/
Reg. Typogr.

REVERENDISSIMO,
In Chtisto Patri ac Domino.

Dn. PETRO

S. S. Theologiæ Doctori longe celeberrimo,

Diœcœsos Wiburgensis Episcopo meritissimo, Consistorii
ibidem Praesuli gravissimo, nec non Gymnasii Regii
& Scholarum Ephoro eminentissimo.

Mœcenati Patrono, & Promotori

Ut benignissimo, ita devota animi
submissione, æternum prosequendo.

Ue &

Admodum Reverendo & Praclarissimo Domino,

Mag. PETRO CARSTENIO,

Cathedralis Templi Viburgensis Pastori, multò dignissimo, Ar-
chipræposito gravissimo, Consistoriique Adseßori, nec non S. S. Theolo-
giæ Lectori Primarie, Promotori meo indubitatissimo, & fin-
gulari venerationis cultu nunquam non prosequendo:

Ceteris pariter
VIRIS

Plurimum Reverendis & Claritate maxime conspicuis,

VENER. CONSISTORII

ADSESSORIBUS.

AMPLISSIMIS,

Regii & inclyti Gymnasii

LECTORIBUS

Solertissimis atque dexterissimis;
Favoribus atque Evergetis, omni zelo venerandis

Salutem, annos, & prospera fata !!!




B eo usque tempore, quo me Musis literisque ad-
dixi, peculiari & nescio quoniam incensus eram ar-
dere atque desiderio, ut aliqualem ingenii mei fætum,
non tantum in lucem ederem; verum etiam Tuo, Reve-
rendissime Pater, amplissimo Nomi*n*i inscriberem, con-
secrarem, offerem. Et cum exactius mecum reputo, rati*o* quænam fuerit;
nullam invenio, præter unicam, quod singulari & plus quam paterno favo-
re atque benevolentia, omnes & singulos Rei Literar*ie* Sectatores fidos &
affiduos, prosequi ac complecti, nunquam non annixus sis. Impellunt deni-
que me, etiam alias sponte currentem, ad hoc, haud exigua beneficia, que in
domum meam Paternam contuleras, cumularas. Quid in i*m*o, si occupatus essem
in Reverendissimi Patris tot meritorum, tot laborum, beneficiorumque, erga
Patriam, erga Literatos, erga paupertate, aut aliis temp*or*at*s* adversæ
motibus pressos, enumeratione, ambigui sanè fati laborem susciperem: illa
enim in se tantum lauatis ac encoc*ii* batent, ut haud tenui Minerva à me
exprimi possint, ideoque relinquo hoc i*s*, qui præstantiori ingenio, majori
etiam scientiarum notitia gaudent. Sufficit mihi, quod omnes illas virtutes
loquatur orbis, tacite, ne luci tenebras adpergere videar. Quæ dum ita
venerabili silentio involvo, unico verbo commemorare quæ mea commentatio-
n*i*sunt propria, sedet animo. Quid circa certo tertius scio!, Te Reveren-
dissime Pater, Vosque, Plurimum Reverendi atque Clarissimi Domini, hanc
meam pueritiam favoris & benevolentiae vestre pallio posse obvelare. Nam
eidem vestro favori, quo Musarum Alumnos amplecti soliti estis, impu-
tandum, quod venerabilem vestrum aspectum subire ausus sim. Accipite
sereno vultu, quas Vobis offero studiorum meorum primitias. Est quidem
munus levidense, non diffitor, at sinatis, oro, pondus ab animo meo devo-
tissimo accipient. Hinc mihi non parva crescat materia ad benevolentissi-
mam Vestram propensionem & nunc & semper dignis elogiis decantandam,
deprædicandamque. Quod non sine ardentissimis precibus atque
suspiriis pro omnigenâ Reverendissimi Patris, Admodum Reverenda, Cla-
rissimarumque Dignitatum Vestrarum prosperitate faciet, dum vixerit

Reverendissimi Patris
Admodum Reverendæ,
Clarissimarumq*ue* Vestrarum Dignitatum
Humilimus &
observantissimus Cultor.
MARTINUS GRANUS,

Viro - Juvēni,

ut Natalibus claro , ita literarum decore maxime
Conspicuo , Pereximio

Dn. MARTINO GRÄA:



Vo pacto fulsit primis lux clara
diebus,
Principio mundi, differis ipse,
tribus.

Naturam motus naturalis , violenti , &
Qvidque Cometa siet , detegis ore
gravi.

Gratulor his cœptis insignibus ! insimul
opto :

Qvo possis fausto sic pede carpere
iter !

L. Mq. gratulatur

PETRUS HAHN

Acad. RECTOR,

In

In Juvenem

Divinarum & Humanarum Rerum
Studioſſimum,

Dn. MARTINUM J. GRANV
Fautorem & Amicum per dilectum,

EPIGRAMMA.


*M*etus est manet que di-
ctum,
Nobis simul sciendum,
Et posteris tenendum:
Aliquid per omne rerum
Genus undecunque scire,
Nil esse, sive summam,
Vel eruditionis,
Existimationis
Aut debiti decoris,
Seu præmium laboris
Species salentioris;
Nisi proferatur omnis
Vis germinans Minerve,
Et Palladis peritæ
Florentior catena,
Pariter Scientiarum
Ac Artium bonarum,
Pariter corona diva
Virtutis omnis alma.

Specimen tuum probatum,
MARTINE GRANV satelles
Nunc Regii Lycei,
Quod publicam in cathedram
Academæ ipse profers,
Tum pluribus probatam
Dat eruditionem
Sat inclutam, ac in omni
Re scibili profundam;
Tum Singulas per artes
Est testis haud negandus,
Et diligentioris
Opera tuae in studendo,
Et improbi laboris
Tot scripta perlegendo.
Hinc gratulorque cœpta,
Prcor & Deus secundet,
In gloriam Jehove,
In commodum piorum,
Decus & tuum ac tuorum!

Libens apposuit

PETRUS LAURBECHIUS
S.S., Th.D. & Professor Ordinarius.

Viro

Viro Juveni
Et Natalium insignium splendore, & Virtutum Litera-
rumque pertinaci cultu condecoratissimo, Domino

MARTINO JOHANNIS

GRÄU Nylando,

Commiliti, Amico & Convictori favissimo, Discursum
Physicum proprio Marte contextum, evulganti,
solerterque propugnanti;



Eu cœcus, foveas, nescit vitare, profundas,
labitur & subito, sed titubante pede;
Sic mens quæ cœca est, Doctrinarum sine luce
concidit in cladem luctificumque malum.

Naturæ brutæ cognatum dedecus ingens
est Inscitia, quæ solicitat stupidos.

Ast animæ nostræ cultus, Doctrina, decorus
dicitur, & meritò nobilis illa cluit.

Non tam præclarum, faciem componere, Thales
esse, refert, studiis quam coluisse animum.
Socratis ad Juyenes monitum fuit: ut, speculo in se
Intuerentur, eo consulerentque sibi;

si essent insignes, generosa & fronte venusti,
tentarent, tales, jugiter, ut fierent.

Sed si deformes essent, obducere formam
ingratam, vellent sedulitate suâ,

Hoc esto dictum cunctis qui sacra Minervæ
attractare student pervigili studio.

Singula pensiculas, solers GRÄU/ mente sagaci,
Virtuti incumbens Artibus atque vacans.

Ingenii dotes præstantis, prodere nilu
conaris magno; ceu tuâ cæpta docent.

Gratulor in tantis ausis, pariterque peropto!

Ti faustè cedant auspicioque bono!

Licet admodum festinato L.tn.mg, ad gratulabar

SIMON DÆLVD Met. & Log.

Prof. Ord. Pastor Piikenfis.

Juvenem *splendore natalium, erudita modestia,
& modesta eruditione conspicuum,*

Dn. MARTINUM GRÆCIA
ARCANA quædam PHYSICA publica
disputatione pudentem :



Agnum sentiscunt mortalia corda
stuporem,
Quando rotant secum facta stupen-
da DEI:
Quod totum inflammet radiis Hyperio-
nis ardor
Orbem: quod resonent flamina sæ-
ya noti.
Talia qui repueat, reputat miracula
mentis
Æternæ, laudem quæ capit ipsa
suam.

Festin. ex animo tamen

ANDREAS WANOCHIUS
Phil. pract. & Hist. Prof.

Studiis & moribus politissimo Juveni

Dno MARTINO GRĀM

Optimorum Parentum eximiae speci filio,
Dissertationem Philosophicam egregie conscriptam
Edenti in lucem, & publicè ac strenue defendantis,
brevibus bisce sed sincere gratulatur

MEthreas lustras arces cœlique tueris
Concava, terreno mittunt quæ lumina
cyclo,
Circumaguntque faces, crinitos orbe come-
tas.

Vilia sic sordent Ti GRĀM svavissime Musis
Miles, tum tentant quæ alii puerilibus ausis.
Hinc Te fata manent & præmia debita doctis,
Ars tua quæ referet, virtusque merebitur ampla.

DAVID LUND.



THESIS



THESIS PRIMA.

Lux primigenia non periiit.



Riusqvam proprius ad hujus Thesios explicationem gradum promoveamus, non sicco (quod ajunt) pede prætereundæ, verùm paucissimis saltim Tenebræ illæ (qvarum mentionem facit Moses) super faciem abyssi existentium attingendæ veniunt; cum insti-
tuti simul ac temporis ratio pro-

lixioribus hæc vetent persequi. Itaque illas ipsas absque pomposo verborum apparatu aggredimur. Primum nos immittendo in inquisitionem, quo videlicet tempore fuere ortæ? an ab æterno? Varii varias hac de re sibi procudunt sententias: qvorum nec desunt, qui contendunt, cœlum & terram, hoc est rudem, informem atque tenebriosam illam molem actu extitisse, *eo ipso tempore*, quo Deus esse cœpit, ita enim ineptè loquitur Auctor quidam Libri Marcionitici apud Augustinum. Hi Suggillatores, quām injurii sint & impiè invehantur in ipsum Creatorem, attribuendo rebus hisce creatis idem initium ac harum Productori Enti increato, qui omnis initii & finis expers est, quivis verâ religione

imbutus ingenuè profitebitur. Et quām absurdā hæc sint,
 quis facile intelliget, cum & ipsi Gentilium perplurimi
 hoc negare, nec voluerunt nec potuerunt, quorum
 etiam Epicharmi Comicorum vetustissimi, antiquam tra-
 ditionem referentis verba hoc idem satis innuant:
 ἀλλὰ λέγεται μὲν χάος πρῶτον γενέσαι Θεῶν. Similia multa
 tradidere Aristophanes & Apollonius. Huic massæ con-
 creatas statuimus tenebras, easque ex initio hexaëmeri,
 & quidem primo prīmī νυχτημερίων spatio, quo mundi
 jaesta sunt fundamenta, ante quod nullum tempus da-
 batur; sed virtute prīmi Dei verbi esse cœpere, (&
 Basilio nec non Philopono dicitur πρῶτον τὸ χρόνον νῦν)
 Non ex initio Dei, quem initio & fine carere an-
 tea assertum est. Jam è re esse videtur, ut innotescat
 quid per tenebras primævas intelligamus? An cum
 Rabbinis ignem elementarem, aut cum Manichæis &
 Marcionitis æternum principium, sive sunnum aliquod
 malum Numen, quod mala condidit, & summo Bono con-
 trarium; quod naturæ & infinitæ ejus potentiae repugnat,
 quippe quæ duo contraria sibi mutuo essent exitio: de-
 niq; omnis boni Auctori hoc minimè congruum foret. At
 hæc cum non tam Physicorum quām Theologorum in
 foro potius pertractanda sunt, idcirco illis discutien-
 dum relinquimus. Nos non tam recentiorum Philo-
 sophorum auctoritate, quam rationibus haud infirmio-
 ribus, nec non recto rationis judicio suffulti, Tenebras
 nil nisi aërem obscuratum, & obscurâ qualitate reple-
 tum circa massam illam chaoticam fuisse statuimus.
 Et hoc ex manuductione Textus Originalis, ubi vox
 hæc Gen. Cap. 1, v. 2. קשׁו deducitur à radicie קשׁו
 tenebrosus fuit, obscuratus fuit, prout explicat in suo
 Lexico Buxtorfius. Unde liquet earum existentia, &
 quid

quid genuinè significant. Et non video quâ ratione
 Adversarii vocem hanc per vim malorum Spirituum inter-
 pretentur, cum fundamento ne quidem imbecillo inni-
 xi sint. Ulteriores enudationes harum vocularum pu-
 blicæ ventilationi committimus. Jam ulterius in con-
 siderationem tenebrarum ituri, æquâ mentis latice per-
 pendamus oportet, an tenebræ istæ primævæ, & supra
 faciem abyssi, primam omnium constituerint noctem;
 cum pro utraque & affirmativa & negativa parte defen-
 denda, etiam recentiorum perplorimi inter se discep-
 tent, & tanquam pro aris & focis (ut ajunt) dimicent.
 Harum alterutram esse tenetendam necessum est, ambabus
 assentiri cum minimè deceat. Nos eorum judicio, qui pau-
 lò ampliorem operam, cupiditate hujus rei sciendæ
 collocarunt, & rationibus firmioribus inniti videntur
 subscribere non dubitamus, quin prima nox subsecu-
 ta tandem fuerit lucem primigeniam, adeoque tene-
 bræ illæ primævæ noctis nomine nequaquam veniunt
 intelligendæ, cum nox semper presupponat luminosum
 quoddam corpus, quo deinde tanquam habitu suo de-
 stituatur atque privetur, vi canonis Log. habitum pre-
 supponi debere ab ipsa privatione. *Et si forte à me qua-
 reres: unde sint tenebrae? æquè esset ac si diceres: un-
 de sit silentium? cui rectè respondeatur, quia nemo fuit
 loquutus,* ut disertè ait B. Jacob Martin. Colleg. 2. con-
 tra Becan. Disp. 5. Th. 24. Idem responsum ferres, si
 sollicitus fueris de earum creatione, cum satis noveris
 ex omnium ore, quod terminus creationis fuerit sub-
 stantiarum & rerum positivarum. Hinc nil superest ni-
 si quod sint mera negatio ipsius lucis primigeniæ, hanc
 vero lectoræ privatio dicuntur. Frustra igitur Marius
 Victorinus Opuscul. prinip. Diei, dum substantivas appell-

lat, Philosophis se irridendum propinat. Plura de his
 scire aeventibus commendo Excell. Sperl. cum temporis
 angustiis inclusus, institutique ratione prohibitus pro-
 lubitu non pluribus possumus hæc persequi. Atq; hæc
 sunt, quæ per bonā occasionem intacta esse nolebamus.
 Quemadmodum paucis tetigimus tenebras primævas,
 ita consequens jam est, ut properemus ad propositam
 illam nobilissimam lucem primigeniam, quæ primus
 mundi ornatus, prima perfectio, prima ædificii gra-
 tia, quâ nil præstantius, nil jucundius, nil pulchrius.
 Et quoniam cœlum & terra erant inconspicua & tene-
 bris involuta, noluit summus Opifex hoc suum primum
 primi diei ~~πέρηφα~~ in tenebris latere; sed ut aspe-
 ctabile foret. Ideoque primo hexaëmeri die ex nulla
 præjacente materia, & immediate solo virtutis suæ ver-
 bo omnipotenter produxit, tenebris sam molem sive
 abyssum illustravit, aspectabilemque reddidit. Et (ut
 verbis Basiliy utar) sicut Pictores dealbatum ante parie-
 tem colorum floribus conserunt, ita Creator ad ornatum
 mundi properat, luce primum mundi parietes dealbat.
 Etiam alibi Basilius M. Hom. 2. prima Dei vox, inquit,
 lucis materiam creavit, tenebras diffulit, mundum illu-
 stravit & exhilaravit, universis continuo gratum attu-
 lit & jucundum conspectum. Sicut, qui in profundam
 aquæ voraginem oleum immittunt, ei loco conciliant &
 immittunt perspicuitatem. Ita & universi Creator edito
 mox verbo, lucis amabilem & per amenam venustatem
 mundo invexit. Hinc inclarescit quam apprimè necel-
 faria quamque jucunda lux illa fuit, propter utilita-
 tem & gratiam illam haud exiguum mundo illi per-
 ficiendo in primis, & deinde partibus mundi perfecti,
 soli, lunæ, cæterisque stellis, materiam illis submini-
 strando.

Grando præstitam. Ita enim sapienter & ordine ele-
 gantissimo, omnis boni ordinis Auctor cuncta exequu-
 tus est; Siquidem primo die rudem quandam mate-
 riam seu seminarium totius universi, non de sua sub-
 stantia, nec de alia sibi coæterna, quia sic æternitatis
 nectare etiam terrestria hæcce perfusa inclarescerent.
 Sed ex nihilo & quidem purè negativo non privativo,
 quod est terminus non materia, ut loquitur subtilissimus
Scaliger, produxerit, lucemque à tenebris distinxerit,
 lumine inserviendo rebus primo die creatis. Alterà
 aquas superiores ab inferioribus separatis, firmamentum
 artificiosissimum inter has expandit. Tertiâ luce jussit
 aqvas inferiores & terræ commixtas congregari in suos
 alveos, suaque certa occupare loca, terram verò omni-
 genâ & mirâ florum arborumque varietate exornavit.
 Quarto die cœlum luminaribus, quinto aqvam piscibus,
 aërem volatilibus, sexto denique terram animantibus,
 & postremò omnium animantium Principe condecora-
 vit, adeò ut per sex illa *νυκτίμερα* absoluta sit totum
 creationis opus. Hæc omnia & singula utut sapienter
 sint condita, non tamen desunt qui Creatorem confu-
 sionis arguere iustinent; ideo quod confusum chaos pri-
 mò considerit. Nos iis reponimus Deum eo ipso or-
 dinis non confusionis esse Auctorem se demonstrare, ut
 fatetur *Altingius*; Siquidem ordo hic sit, ut fiat pro-
 gressus à non esse ad esse, ab imperfecto ad perfec-
 tum, ab inanimatis ad animata, à vegetabilibus ad sen-
 sitiva, à brutis animantibus ad hominem animal intel-
 lectuale omnium visibilium creaturarum nobilissimum:
 unde nec creatio confusa, sed opus creationis rude, in-
 digestum, indispositum, & imperfectum dicenda est;
 Grates igitur debemus ordinis Auctori gratam quod no-
 bis commendare voluit *euæglæ*.

Optimo jam nobis commendato usū, ordine pa-
 riter elegantissimo hac an sā intellecto (in quā, ut pri-
 ora mentio incidit) ē re esse videtur paucis de variis
 hujus explicationibus & tentiarum divortiis agere,
 quod facturi obviam imus primō menti statuentium,
 per lucem Intelligentias aut etiam animas veni-
 re intelligendas, cum harum invisibilium & spiritu-
 alium munus sit, non discriminare diem à nocte:
 Ubi tamen Textus Sacer innuit creationem rerum
 corporearum & visibilium, ideoque proprietati literæ
 adhærendum. Deinde nec assentimur *Daneo* elemen-
 tum ignis fuisse afferenti; quia ignis officio non con-
 venit dare discrīmen diei ac noctis, sed calefacere &
 urere, quod primaria ejus affectio est. Præterea impro-
 bandus est sensus *Pererij*, propugnantis lucem solis im-
 perfectam. Cum lux solis sit accidens, accidens autem
 nunquam prius suo subjecto, & sine eodem non datur;
 multò minus fuit ipse sol, quia is quarto demūm die
 conditus fuerit, & expansum solis subjectum secundo
 die. Si verò confugerint ad aquam tanquam suum a-
 sylum, objiciendo nobis eam fuisse subjectum, uti *Kec-
 kermannus* vult; perspicuitatem & pelluciditatem in
 parte quadam aquæ subtiliori. *Cornelius à Lap.* ex-
 stimat, Deum lucem producturum ex aquis abyssi con-
 densasse instar crystalli corpus orbiculare, eique lucem
 hanc indidisse. Tum facile patet hoc sibi constare non
 posse: quivis enim videre potest aquam nil commercii
 habere cum luce, non ex aquâ sed ex tenebris lux evo-
 cata est 2. Cor. 4. quæ etiam post separationem aqua-
 rum secundo & tertio die luxit, & quales absurditates
 iude sequeretur, ipsæ horum sententiaæ primo intuitu
 produnt, itaque eas tacemus. Porro nec fuit lux alteri-
 us se-

us seculi sive beatorum, cum illa sub nomine diei venire
nequit æquè ac hæc, sicut expresse Gen. 1. v. 5. legitur:
וַיֹּאמֶר יְהוָה אֱלֹהִים לְאָמֵן וַיְהִי h. est: & vocavit Deus lu-
cem diem. Denique suffragari neminem credo non-
nullis Pontificiis: accidens fuisse sine aliquo subjecto,
quod non solùm contradictorium; verùm etiam tan-
quam maximum numeratur inter sex illa Peripatetico-
rum absurdia. Nec ab omnibus etiam Pontificiis appro-
batur illa statuminatio, sed à qvibusdam eorum rejici-
tur atqve damniatur, cum vix obtineant, qvod inten-
dunt, nempe figmentum transubstantiationis, per hoc,
qvod dicunt lucem fuisse accidens non ~~invenient~~ sed ~~invenient~~
inveniuntur. Ast tædet & nos omnium horum Senten-
tionariorum delirationes recensere, & Te Lector
Candide forsitan offendimus Tibique nauseam facimus.
Unicum tantum postremò addere placet Bonifrigerii asser-
tum: qui omnem navat operam, quò evincere queat,
qvod lux primitus creata fuerit accidens, non in certo
& peculiari aliquo subjecto; sed ut modò hoc, modò
aliud agnoverit subjectum, Scilicet prima die aquam,
altera aërem, tertia cœlum, & ita successivè in diversis
partibus sive subjectis ab ipso Creatore produci debuisset,
quod ~~ατοπον~~. At, qvoniam nervi artusque sapientiæ sunt
nil temerè credere, propterea non hujus vel illius autori-
tati ita sumus addicti, ut in verba ejus juremus, aut Ari-
stotelem, Socratem vel Platonem contra veritatem de-
fendamus (magis cum Ipsiis nobis amica sit veritas) nec
absque rationibus temerè eos descreva. Nos huic ser-
tentiaæ tanquam omnium verissimæ calculum addimus
Deum T. O. M. in principio & quidem primo hexaë-
meri die procreasse lucem non accidentalem, qualis lux
in genere utpote in sole, & stellis, verùm specialem,

corpoream, substantialem accidenti conjunctam; quippe
 omnium ori inest quod fuit terminus creationis. Hoc
 corpus luminosum, solo Dei verbo ex nihilo negativo
 productum, erat instar aëris diffusum suis tamen ex-
 trémitatibus ita determinatum, ut non una vice totum
 illustraret globum, sed motu & impetu suo naturali,
 non à movente aliquo extraneo, non emissione aut
 contractione radiorum universi partes per vices illu-
 minaret, accessu diem, recessu noctem inducens, &
 per primum secundum ac tertium diem vicaria solis
 extitit: ut eam appellat *Sperl.* Circa hanc occasio-
 nem non possumus non animadvertere, quod *Dann-
 hauerus in Colleg. Psycholog. Diff. 3. Controv. 2. pag.
 84. & seq.* denegat luci πρωτησώ ipsum corpus cum
 nullibi locorum fuisset repositum, nec supra aut in-
 fra cœlum; latuit enim sub aquis primo die, nec in
 medio aquarum fuisse infixum, cum aquæ non fuerint
 divisæ primo die *Gen. I. v. 4.* addit vero ejus subje-
 ctum fuisse uti nunc aërem, ita ibi aquæ superficiem.
 Neque penetrare lucem densam illam aquarum abyssum.
 Hic responsu licet difficile sit, hoc tamen asserimus:
modus quamvis in ejusmodi abstrusis atque arduis rebus
 nos lateat, rem tamen ipsam ideo negare integrum non
 est, à negatione intellectus nostri ad negationem rei non
 valet consequentia. Qui potens erat locare ingens &
 vastissimum istud corpus chaoticum, quomodo & ubi
 placuit, quidni etiam constituere potuerit alterum istud
 corpus lucidum, illustrans primis tribus diebus rudem
 istam molem etiam post firmamentum jam conditum,
 & terram ex ipsa aqua productam. Sed quo devolvi-
 mur? è diverticulo in viam redeundum est, videlicet, ut
 asserto nostro, lucem primævam non periisse, vim &
 robut

robur tribuamus, qvod fiat commodè in animadversione argumenti, instantium lucem hanc resolutam in aquas: quod vix & ne vix quidem firmiori ceteris stat tali, quoniam Sacræ Pandectæ ne apicem quidem de hoc indigitent, nihilque omnium quæ fecit planè & totaliter in aliam speciem transmutavit. Cui Quæso usui inserviret lux? Et quem intenderet Creator finem, nisi quod præcesset primis tribus diebus, non modo non etiam materia apta esset οὐεργημάτων qvartæ diei. Aqva jam sibi assignatam perfectionem accepit, quoad quantitatem, qualitatem, & locum, remanente adhuc postea luce per νυχτημερίας temporis spatium, itaque non opus fuit ipsis amplius aliquid addere. Impium etiam ac temerarium foret dicere, Deum unam à se semel productam speciem, rursum permutasse in aliam, effectus namque fuit causæ suæ Efficienti probatus & bonus, sequitur jam eam fuisse conservatam; si conservata manfit, conservabatur utique lux ista vel perfecta, vel imperfecta: At non perfecta, qvia si completa fuisset, seorsim cerneretur in mundo jam perfecto, adeoque referretur vel ad Angelos, qvod fallit, quia sunt immateriales, vel ad cœlum, sed & illud male, quia istud naturâ non lucet; vel ad elementa, & pariter ineptè; quia terræ indolem non agnoscit, aquæ non novit, aëris neque recipit, vei ùm etiam naturam ignis subterfugit. Vel demum referretur hæc lux ad planetas vel ad metalla, vel ad animantia, qvod quam absonum foret, mea non refert pluribus dicere. Ergo ultimò imponit naturæ ordo & cogit necessitas, ut frustra tentatis singulis, referatur hæc lux ad stellas, & inde ad solem ceu imperfecta, ac materia quæ qvarto demum die in productione solis, debitam indepta est perfectionem: adeoque cœlum condensatum

sive densiores cœli partes materia non sunt, cum non locatio, nec positio, neve ipsum continens inferat materiam, ut differit beatus Sperling. quem adeat, qui pluribus explicari hoc gestit. Diversitatem lucis quod attinet, nec illa diversitatem materiæ probat, quia diversimodè lucem tractavit Creator, aliter eam disponendo in sole, aliter in luna, aliter etiam in ceteris stellis. Atq; ita quadantenus evictum speramus, sidera constare luce primæva, tanquam genuina sua materiâ, formâ licet constent propria naturali atque specifica, ea informante, suumque esse, distingvi & operari dante, quæ nova ipsis quarto die est imposita atque superaddita. Plura quidem à nobis dicenda aliquis propter materiæ nobilitatem postularet; sed necesse est verbis à Rungio prolatis, hanc Thesis claudere: *Quanam ejus ratio fuerit per omnia explicari nequit.*

THESIS SECUNDA.

Cometa non est Species mundi.

SIC probatum ivimus lucem primigeniam non periisse, & quidem paulò ampliori operâ (cum materiæ nobilitas & præstantia id exigeret) devolvimus jam, utinam felici successu! ad alteram hanc positionem juxta institutum nostrum, expendendam, idq; brevitate, quâ fieri potest maxima. Et quoniam Thesis hæc prior non minus est controversa, & infinitis sententiarum divortiis scatens: cum per tot secula de Cometiis jam disceptarunt & Physici & Mathematici, nec tamen quis sibi de eo gratulari audet, qvod accuratiōri ceteris cunctis indagine, in omnibus sibi rem acu tactam habeat: Ideoque temeritatis notam nos non subituros putamus, si cum Eruditis quibusdam, veritatem ē profundo putei extra-

trahentibus, præsumeremus cometarum causas in iis, quæ fieri possunt & explicationi non abnuunt, leviter tangendas, quæ verò explicationem fugiunt, nec nos ignorantiam profiteri erubescimus, sed utimur hac in parte ipsius Aristotelis excusatione, qui de Cometis dicturus, ita præfatur: περὶ τῶν ἀφανῶν τὴν ἀιδήσει γομίσουεν οὐανῶν ἀποδίδειχθαι κατὰ τὸν λόγον, εἰν τὸ δυνατὸν ἀναγάγωμεν. &c. Qvod facturi attendamus oportet I. Causam Efficientem, Solum Deum Creatorum in secula laudandum! quippe Qui Agens est Liberrimum, & non impeditur, quin amplius agat in terrorem & commonefactionem nostri, sive in æthereo sive in elementari orbe, nullis n. naturæ vinculis obstricta est Divina Majestas; Sed cum vult fissit aquam fluiis & vertit sidera retrò:

Hæc potuit solis currus inhibere volantes,
Cum populi Israël Dux Josue sterneret hostes,
Hæc potuit solis sine luna extingvere lumen,
Cum suus est factus pro nobis victimæ Gnatus.

Hic non licet confundere causas primas cum secundis: licet Eclipses lunares, conjunctiones planetarum, oppositiones, &c. sint à natura, quæ sine Deo non agat, & vice versa: tamen à ratione operis ordinarii, ad rationem operis extraordinarii, argumentari haud licet. Edebat olim, edit nunc, & edet deinceps miracula, uti Ipse de se testatur in Evangelio: & erunt signa in sole, luna, & in stellis. Et rursus: dabo signa in cœlo sursum & prodigia deorsum. Nulla hic vis in tota rerum natura reperitur, quâ nova hæc species producatur: sed qui primitus species ad mundi integratatem constituendam creavit, is postmodum etiam species, universi hujus ruinam atque interitum significatas formavit. Individuorum generatio, opus est naturæ naturæ: at specierum productio, naturæ naturantis.

Tycho-Brahe
Lib. I. p.
584.

Multis pariter aliis rationibus hoc ipsum probari posse in confessio est, ideoque non immerito cum Aristotele evertimus Anaxagoræ & Democriti sententiam, qui crediderunt congressionem plurimorum Planatarum, in locum cœli vicinum, propinquitate & quasi mixtura lucis, unius stellæ oblongæ figuram efficere, idque rationibus Aristotelicis evidentissimis, quarum unam alteramve placet adferre (α) Errantium stellarum numerus, cum ignotus non sit & congressus earum, cum in multos annos, certos dies, & horas prædici possit; nullus tamen unquam Mathematicorum adeò fuit peritus, qui præmonere homines de certo die potuit, quo crinitam stellam visuri sint. (β) Cometæ apparent cum omnes planetæ, vel manè vel vespri supra horizontem conspicuntur, & longissimis sœpè locorum intervallis a se disjunctis. (γ) Stellæ errantes semper suis motibus peculiaribus vel antrosum vel retrorsum feruntur, etiamsi illa conjunctio, est vicinitas stellarum permixtione lucis suæ, ut formam cometæ effingere possit; tamen illa species crinitæ stellæ, esset paucissimos diés duratura, cum cometas eadem figura & magnitudine, aliquot menses integros, interdum fulgere cernamus. Hisce Democriti opinio tanquam vero dissimilima prorsus est explosa.

2. Materiam, ex quâ stellæ istæ insolitæ producantur, quam quidem certam dare non possumus; (cum nos cunctos mortales lateat:) præter quasdam sententias, quæ opinabili conjecturæ potius innuntuntur, quam certæ experientiæ, utpote: non desunt qui Aristotalem secuti, judicant cometam esse σύστον αὐδυμιάσης, sive ut Plutarchus ex Aristotele refert Lib. 3. de pl. Phil. C. 2, τὴν ἐντὸς ζηγᾶς αὐδυμιάσεως διάπυγον σύστον. id est, exhalationem siccām & terrestrem in aëre

aëre accensam, & propter copiam materiæ diutius ardentem. Alii existimarent cometam esse unam ex errantibus stellis, perpetuò durantibus, cuius talis sit motus, ut rarissimè à sole digrediatur tam procul, ut conspici possit, ideoque propter longissima & maximè inæqualia occultationis tempora, motum ejus observari, & conspici non potuisse, quorum sententia subscribit præcipue Ipse *Pythagoras*. Nonnulli cometam nec stellam, id est, corpus cœleste & simplex, nec halitum flagrante volunt esse, sed exhalationem subtilem, lucentem à lumine solis, per radiorum refractionem. Qvibus suffragari non dubitat *Appianus Mathematicus* ille alias celebris. *Tycho Brahe* Excellentissimus Mathemat. propugnat fuisse materiam quandam juxta viam lacteam, sive substantiam quandam cœlestem à materia reliquarum stellarum non discrepantem, ibique circa galaxiam adhuc conspici hiatus quidam instar semiplenæ lunæ, unde desumpta sit illa stella, quem nunquam extisse, ante hujus stellæ ortum se recordari dicit, & per consequens, non obscurè insinuat stellam hanc ex eadem, quâ galaxia, substantia conformatam esse. Patrum sententia non aliàs incommoda videtur, quam quod excludat causas mediaque naturalia, per quæ Omnipotens Deus ordinariè operatur omnia in creaturis. *Chald.* & *Stoic.* statuminatio nec meretur applausum, quæ novas has stellas corpora perpetua primâ creatione, cum reliquis stellis condita, faciunt, atque tum demum cerni, cum ex alto vertice in inferiora descendunt. Perplurimorum aliorum opinione: quorum alii recurrent ad materiam elementarem, quidam ad lucem primigeniam, quidam meteorum emphaticum, quidam rursus hypostaticum esse volunt, hic jam enumerate supersedemus.

Adoriamur jam unam vel alteram allegatarum examinandum, & quidem primam *Aristotelis* Scilicet: Ast quam inconveniens ejus sententia sit, ut ut tot jam seculis pro authentica habita, paucis hisce subsequentibus dispalescer. Si namque halitus viscosi, siccii & terrestres in aere accensi, essent materia, tum profecto stella illa non foret durabilis, sed citissime periret, & in fumos resolvetur ac deflagraret; quod satis constat ex ignis & sulphureæ ejusmodi materiae ocyssimè flammam arripientis natura, cumque tamen cometas per longissimum temporis spatium durasse, ex historicis antiquioribus & recentioribus satis inclarescit, uti ex cometa anno mundi ter millesimo septingentesimo, nonagesimo quinto: Anno v. ante natum Christum Salvatorem, centesimo Sexagesimo octavo, *Mutio Scævola & Posthumio Romæ Consulibus*, per quinquaginta quinque septimanas continuas coruscante. Pariter ex cometa, anno Christi septuagesimo primo (alii lequenti anno hoc factum esse assertunt) Vespasiano Imperatore regnante, cometæ gladii figuram referens, in dodecatemorio virginis in cœlo, Azymorum die, qui mensis Aprilis octavus fuit, per integri anni Spatium supra urbem Hierosolymam viso. Deinde si fuerint exhalationes terrestres & viscosæ, causa, tum stella ordinariè & post certum temporis intervallum, congregatis denuò exhalationibus cerneretur; posita enim causa naturali necessariò ponitur effectum; sed non servat justum intervallum, quia interdum tempus decem pluriumve annorum effluxit, absque ulla visione ejusmodi stellæ, interdum duo cometæ in uno eodemque anno sese nobis spectandos obtulerunt. Deinde nullum haberent certum motum exhalationes illæ accensæ, verum huc & illuc in aere instar nubium aliarum

rumque flamarum vagarentur, cum tamen stellæ hæ
 suo modo circularem, continuum, & regulari admodum
 congruentem habent cursum, & eandem ferè per ali-
 quod tempus retinent magnitudinem & figuram cor-
 poris, qvod exhalationibus propter novæ materiæ, magis
 minusve acensæ adventum, planè inconveniens esse vi-
 detur. Postremò injurius est *Aristoteles* in Ipsum Au-
 ëtorem cometarum, derogando ipsis certum & pecu-
 liarem effectum, certis & naturalibus adhibitis causis,
 cum tamen omnium temporum memoria, & experi-
 entia, satis superque edocent, nullum cometam adhuc
 inanem præterlapsum, qvin semper aliquid importet,
 prælagiat, atque portendat. *Pythagoreorum* sententia: el-
 se stellas perpetuas, plausibilior est, & multos etiam
 Doctos movit, ut eam probabiliorem judicarent, quam
Aristotelis: At, nec illam mereri calculum, multa ar-
 gumenta probant, quorum paucissima tantum pestrin-
 gemus. Quippe si daretur ejusmodi stella caudata per-
 petua, quare suam formam, magnitudinem, claritatem,
 colorem, rationem motus, durationem toties mutat &
 deperdit, quoties à sole digressa, terris se conspicuam
 præbet? an cum vero congruum sit, ullum cœleste
 corpus tam varias ac dissimiles mutationes recipere,
 quales in figura cometarum, & aliis accidentibus de-
 prehendimus? & si ita est quod habet *Aristoteles*, ali-
 quoties eodem tempore plures cometas simul apparu-
 isse, manifesta experientia sententiam hanc revocavit,
 quod unica stella sit cometa. Sed dicant plures esse
 dissimili figurâ & magnitudine, ejusmodi crinitas stel-
 las, quarum jam hæc extra solis radios excurrat, jam
 alia, ut nunc hanc cladem, nunc aliam terris prænun-
 ciet. Ita dicendum est de illis proximis effectibus, quos
 &

& Auctores fide dignissimi scribunt, & perpetua experientia testatur, esse omnium cometarum proprios, scil. perpetuas ac inusitatas siccitates, flatus vehementes, morbos, & quæ illos comitantur. Cur has res efficiunt tunc demum, cum à Sole longius discedunt, & non similiter, quando sunt cum ipso conjuncti? Saturnus ὑπαύγος frigus auget, Mars ὑπαύγος æstum incendit. Sic & pleades, hyades, asselli, tunc efficacissimè tempestates cident, cum latent sub radiis solaribus. Cur igitur non occultæ illæ stellæ, vires suas exerunt in exsiccando aëre, excitando flatus vehementes, & terribiles, nec non morbos pestiferos, quando sub radiis solaribus latitant simul cum sole oriuntur & occidunt, cum eo cœli fastigium descendunt, & ad imum cœli demerguntur. At huic stellarum perpetuitati experientia apertè reclamat, quam etiam Aristoteles allegat, quod plerique cometæ evanescunt, priusquam ad solem adeo propè redierunt, ut radiis & fulgore ejus occultari possent. Oportebat autem si veræ stellæ essent, eas semel digressas à Sole, conspici perpetuò, donec ad solem reversæ, contra radios ejus sese abderent & ὑπαύγοι fierent, sicut Venerem & alios planetas, semel extra radios solares egressos, cernimus perpetuò, aut manè aut vesperi, donec ad solis viciniā regressi, vi lucis fulgentius occultantur. Verum cometæ longissimè dum adhuc à sole distent, minores evadunt, moxque visui se planè subducunt. Sed valeant reliqua illa argumenta, vix refutatione operosâ digna. Nos ut supra, inculcavimus: sicut effectus cometarum Deus sibi soli præcognitos habet, ita materiam ad horum productionem cunctos mortales latentem adhibet. Hinc ut avertamus & evertamus objectiunculam hanc nobis obviā se fert occasio; Deum cessasse à creationis opere, ideoque

ideoque ad hujus stellæ productionem non concurrere ut causam quendam primam, sed adscribi posse potius causis propriis & naturalibus. Verum facilis est responso ad illam: cum distingvimus inter species mundum constituentes seu integrantes, & res inusitatas, extraordinarias, & non facientes ad ejus integritatem & perfectionem. Cessavit quidem Deus ab ejusmodi speciebus de novo creandis, quæ mundum ulterius perficerent, interim non ademit sibi vim atque potentiam ad agendum contra communem naturæ cursum, excitandum que talia signa & effecta, quæ non modo non aperirent nobis Dei iram & impendentia mala, juxta illud *P/al.* 136. v. 6. Quicquid placet sibi Jehovah facit in cœlis & in terra, per mare & omnes abyssos; sed etiam commonefacerent nos, ut desisteremus ab ejusmodi perpetratis malis, & precibus pœnitentiaque seriâ eum rursus mitigaremus. Mundus enim, licet nunquam visi fuissent cometæ, æquè perfectus fuisset ac primitus creatus fuit, & jam adhuc hodie est; & dicere novas Species adhuc subinde creari, temerarium & impium est, quasi Omnipotens Creator non posset omnes species ad ejus consummationem in initio produxisse, quo minus adhuc hodie necessum habeat ad ejus integrationem aliquid addere. 3. *Formam*, quam peculiarem & specificam habent, nobis etiam ignotam, quæ cometis largitur suam essentiam, suas operationes, affectiones, & ut per eam ab aliis distingvantur: & si evictum est, materiam cometarum non esse halitus siccios, pinguis & viscosos, in summa aëris regione pendentes, tum nec flamma loco & nomine formæ venire potest secundum Aristotelem. 4. *Finem*; qui quidem ponderosus satis est, nempe prænunciare mala futura, ut homines ejusmodi signis commonefacti de

fuis peccatis iram Dei extimelcant, ac seriâ contritione
 ac pœnitentiâ ad Deum convertantur, & ardentissimis
 precibus contendant averti aut mitigari tantas sibi de-
 stinatas pœnas. Effectum cometarum omnium hominum
 sagacissimus investigare & prædeterminare non potis est,
 cum nulli revelatum sit, sed soli Deo notum. Semper
 tamen aliquid certi & rari cometen significare atque por-
 tendere, si non ut causas, tamen ut signa, divinitus ad
 iram Dei adversus peccatorum delicta denuncianda li-
 quidò constat, siquidem omnium seculorum observatio
 & experientia testantur, nullum unquam cometam im-
 punè spectandum se exhibuisse, quin magnæ mutationes
 in imperiis tristes & peculiares eventus subsecuti fuerint,
 utpote: Excellentium Imperatorum, Regum atque Prin-
 cipum inopinatae mortes, bella atrocissima, & per bene
 longum tempus duratura, annonæ caritas sive miser-
 rabilis famæ, grassantes & violenti morbi, utpote
 pestis, & alia contagio plena, nec non siccitas, &
 æstus intolerabilis. & innumera ejusmodi alia, ut re-
 ctè dicit Camerarius: exarsit nusquam sub cælo impu-
 nè cometes. nec non Plinius: Cometa totum annum se-
 quentem suspectum reddit. Pontano cometa appellatur,
 Dirum mortalibus omen. Philippus Melanchton canit:

*Nulla ætas vidit flagrantem impunè cometen,
 Non leve venturum nunciat ille malum.*

Adhuc Pontanus præclare ait:

*Ventorum quoque certa dabunt tibi signa cometæ,
 Illi etiam belli motus, feraque arma minantur.
 Magnorum & clades populorum & funera Regum,
 Ut cum seu caeli occasum seu solis ad ortum,
 Extulerint caput infelix & crine minaci,
 Horrendum latè implevit terroribus urbes.*

*Si fleterint certoque loco vestigia figent,
Finitimi bello invadent, civiliaque arma
Fædabunt socias cognato sanguine dextras.
Sin ortum tendent versus peregrina moveri
Bella scias hostemque extremis affore ab oris.*

Exempla pariter multa cumulari possent ad probationem eorum effectuum; sed cum ipsamet credo cuius obvia esse, idcirco etiam ad vitandam prolixitatem ea lubentes præterimus. Obtinuimus jam contra Ari-stotelem ejusque Asseclas cometam non esse μετέωρον qvoddam igneum, sed stellam: Itaque nec largiri illi possumus locum cometarum esse supremam aëris regionem, cum nulla stella unquam adhuc in aëre visa sit; sed locum ordinarium facimus ipsum cœlum, qvod omnium stellarum propria sedes est, prout nobiscum hoc asserit Cardanus: & satis inclarescit ex ipsius figura, duratione, & motus regularitate. Si μετέωρος esset igneum in aëre, tum non servaret eandem magnitudinem, cum pro materiæ magis minusve incensæ adventu, jam major jam minor foret, & omni motus regularitate planè destitueretur, exemplo etiam aliorum meteororum huc & illuc aberraret, qvam aberrationem in cometis reperire non licet, propter motum reliquarum stellarum gyrationibus maximè congruentem, legesqve earum observantem, imitando earum regularitatem, & absolvendo circuitu suo globum terraqueum viginti qvatvor horarum spatio. Denique concesso hoc, cometas esse exhalationes incensas in aëre, tum repentini essent, & ab omni duratione alieni juxta illud Seneca: *Quacunque aër creat brevia sunt, nascuntur in re fugaci & mutabili.* Quomodo enim potest in aëre idem diu permanere, cum ipse aër nunquam idem maneat? fluit

semper & brevis illi quies est. Nunc pluviis plenus, nunc inter utrumque varius. Nubes ex illo conflatae mox in illam resolvuntur, & disperguntur, nullam admittentes quietem. Id quoque videre est in aliis mete-
oris, qualia sunt, trajectiones, trabes, clypei ardentes, chasmata, globi ignei, fulgetra, fulmina, & similia, quæ citissimè deflagrant, & tanquam ignes certi in corpore vago sedere nequeunt. Atque ita discussis, quæ assertum nostrum solicitare videntur, aggredimur tertiam, uti-
nam fausto omni thesin! sit itaque.

THESIS TERTIA.

Aer in motu naturali est causa velocitatis
in fine, & in motu violento celeritatis ab initio.

Hæc positio, utut plurimis laboret difficultatibus ob-
perplexas utrobiq; opiniones; nihilominus tamen
utilitate & elegantiâ, eam quam maxima scatere
nullus sanus dubitet: quippè omnibus fermè rebus &
præprimis animatis non parum inservit aër, variarum-
que mirandarum rerum & mutabilium stat causa, accu-
ratam itaque & amplam' meretur expositionem. Sed
quoniam in duarum hisce antecedanearum thesium evo-
lutione præter institutum & opinionem paulò prolixio-
res fuimus: eapropter sequentia intra angustiores coér-
cebimus limites, & tribus, quod ajunt, verbis ea enoda-
bimus. Prius quod attinet Thesios membrum: *tardior-rem esse motum naturalem in initio quam fine*; tum vexati-
ssimum est, & varietati sententiarum obvium. *Simpli-
cius omnium primò facessit nobis negotium*, dubitando
& simpliciter ferè negando; *motum naturalem propè fi-
nem velociorem esse, quam in principio*, cum nemini hoc

compertum esse ait: quem concinnè satis refutat *Strato* discipulus *Theophrasti*. Deinde *Hipparchus* adstruit, motum naturalem præcedere violentum: quod enim movetur, dicit, naturaliter deorsum, prius fuerat motum & projectum sursum: quare cum revertitur deorsum, vis illa quā sursum projectum fuerat, debilitatur atque minuitur, & quia propè finem vis illa est maximè fracta & remissa, idcirco motus tunc existit celerior. Præter hos in promptu est opinio perhibentium, nil nisi ipsum medium in causa esse, per quod fit motus, quod in primis tanquam magis superandum resistit rei, quare cum in fine motus, minus restet medium superandum & disjiciendum à mobili, ideo tanto facilius tunc potest effici motus, quam in principio. Aliqui hanc amplexi sunt sententiam: quod locus iste fuerit non naturalis, à quo motus naturalis inchoatur, cum quisque locus non naturalis ipsum mobile inficerit contrariis qualitatibus, per longiorem ab eo recessum, & propiorem ad naturalem accessum collabescitibùs. Alii rursus virtutem motivam ex appropinquatione mobilis ad locum suum naturalem magis confortatum & corroboratum iri statuunt. Denique etiam nonnulli ipsi medio, aëri videlicet, hanc causam adscribunt, tum ei, qui terga lapidis subsequitur retrò impellens atque protrudens lapidem, tum etiam ei, qui à lapide descendente propellitur, & ad anteriora promovetur, unde fit, ut quia in fine motus naturalis, aër est maximè commotus & dissipatus, ac proinde ad resistentiam minus idoneus, tum motus naturalis velocior atque velimentior evadat. Has præter alias sententias præcipue enumerat *Pererius*, quibus quinqve prioribus etiam prolixissimam subjunctionem habet refutationem, sextam verò approbat & defendit, quam etiam nos calculo nostro dignamur; ita

tamen ut brevissimis nos expediamus rationibus, *Weinrichius de Monstr. Cap. 5.* Quærit quo sensu id probari potest, tardiorum in principio, in fine velociorem esse motum hunc naturalem, & quænam varietatis ratio in eo motu? argumentum sumit ex uno eodemque pondere sive gravitate in lapide, quam nec augeri nec minui asserit. Sed si peccare nos non speremus in tanti hujus aliorumque magnorum virorum auctoritatem, dicemus eos ex ignorantia causæ & rem & sensum ipsum negasse, nam licet quoad sensum τὸ διότι latere & solicitare nos videtur, sensu tamen τὸ ὅτι hoc comprobare non adeò est difficile. *Ex ignoratione etiam intellectus, ad rei negationem non valeat consequentia.* Exemplo sit nobis lapis, qui ex alto dejectus in initio descensus sui est multò tardior quam in fine. Causa hujus motus est forma seu principium internum activum lapidis, quæ forma per ipsam gravitatem, tanquam per medium quoddam petit centrum (juxta illud: *omne grave remoto obstaculo deorsum tendit*) aëremque utpote corpus subtilius, tenuius, & ad resistentiam minus aptius, premit, quassat, dividit, viamque descensus sibi parat. Ast quærat quis: unde illa tarditas major in initio quam in fine, & quænam ratio? causa tarditatis quærenda est in ipso medio, per quod fit motus, quod est ipse aér, cuius natura est, ut paululum extrinsecus motus, deinceps etiam per se vehementius fluctuet & agitetur, adeoque ea quæ in se continet corpora, nisi forte sint immobilia, propellat. Quod inclarescit ex aquâ, quæ vel exiguo quodam ligno mota, fluctuat & agitatur, aliasve res innatantes propellit, cur ni ejusmodi agitatio fiat in aëre, qui aquâ longè subtilior est atque tenuior? corpus enim subtilius & levius cedit

crassiori. Sic lapis disrumpit atque fecat aërem quietum ac resistentem, cuius motæ ac dissipatae partes unionis amantes, magno impetu ad unionem ruunt. (*natura enim unionem amat divisionem abhorret*) quod dum faciunt, concursu suo vehementius protrudunt mobile, cumque ad vim lapidis motivam accedit aëris impulsus, duplicatis sic motus causis, augeri descensus velocitas incipit: lapis igitur celerius per aërem motus & vehementius concitatus, aërem quoque magis magisque pellit, qui vehementius pulsus, rursus lapidem vehementius propellit, atque sic deinceps usque ad finem motus. Unde palam est in fine motus lapidis, motum omnium esse velocissimum, cum vehementissime pulsus à lapide aër, eundem lapidem vehementissime propellat. Ita enim moveus & mobile in eo motus vicissitudinariâ & mutua in motu continuando utuntur operâ, & alter alteri auxiliares præbet manus. Hæc jam est ratio experimenti istius, cur lapis ille fortius & acrius subjectam manum vel caput lœdit, qui à sublimi decidit loco, quam qui ex humiliori. Licet etiam ex uno eodemque loco, tum ferit magis is, qui circa finem, quā qui circa descendens initium, nisi sit justò majoris molis, cum intelligamus lapides unius ejusdemque ponderis atque gravitatis, gravitas namque est causa motus, quod deorsum vergat, non tamen est causa varietatis motus; quod jam velocius, jam tardius moveatur; sed neque una eademque causa gravitatis infert effectum seu motum semper esse eundem atque æqualem, alia enim hic incedendum viâ, nempe ad diversitatem medii, quod motui naturali ab initio adversatur, in fine favet & obsecundat. Multò facilius cursitant homines per aërem, quam per aquam quantumvis limpidissimam. Navis etiam varium habet

motum in aquâ salsa seu crassiori, varium in dulci seu
 limpидiori & leviori. Sed dum loquimur de motu natura-
 li, non possumus non recordari eorū, qui argumentantur
 de motu naturali stellarum, dicentes, stellas non esse
 tardiores in initio, in fine velociores, cum constantissimo,
 æquali, atq; regularissimo moveantur motu. Verùm faci-
 lè res patebit, dum distingvimus inter motum circularem
 stellarum, & rectum corporum gravium, de quo po-
 steriori nobis est sermo; stellæ expertes sunt omnis gra-
 vitatis, omnis levitatis, calditatis & frigiditatis, medi-
 umq; semper habent uniforme. Eâdem facilitate respon-
 deri potest ad objectionem de motu naturali animalium,
 cum discernimus motum pure naturalem, à naturali se-
 cundum qvid, qvi posterior in Specie dicitur progressi-
 vus & spontaneus, & comes est animæ sensitivæ,
 quippe qvi ab interno principio animalis, anima ni-
 mirum motrice facultate prædita, etjam pro lubitu
 se habet indifferenter ad celeritatem & tarditatem, ad
 latus dextrum vel sinistrum, deorsum, sursum vel re-
 trorsum, & in quantum spirituum operâ perficitur
 in corpore organico, propter varietatem organorum,
 ad varios motus recipiendos apto: musculi enim &
 nervi, à spiritu copioso & integro primùm impulsi, lon-
 ge sunt agiliores & vegetiores, quibus tandem paula-
 tiam exhaustis atque absumptis, flaccescunt nervi & de-
 bilitati concidunt, donec spiritibus plane destituti, ne-
 cessariò demum inequitur immobilitas & defatigatio.
 Nostram sententiam Pererius Lib. 14, C. 3. pag. 748. pro-
 pugnat. Ita enim loquitur: *Hæc sententia mibi qui-
 dem videtur ceteris probabilior: tum quod aliae mani-
 festis, necessariusque rationibus refelluntur atque convin-
 cuntur: contra hanc verò ne probabile quidem argumentum
 finge*

fungi potest: tum quod hæc nihil ponit quod non sit congruens & rationi & experientiae, & quod non ex ipsa natura rerum depromptum esse videatur. In hac opinione magis, quam in ceteris animus meus sibi satisficit, in hac unâ maxime conquisescit. Idem etiam videtur intendere Aristoteles qui in Lib. de Quest. Mechanicis quest. 19. affirmat: motum corporis ipsa motione & agitatione augeri & celeriorem fieri. Qui de hisce plura desiderat, adeat, velimus Zabarellam Lib. I. de motu gravium & levium Cap. 15: 18. 17. p. 302. & seqq. Ubi contrarias opiniones recenset, tandemque nostram multis rationibus stabilit atque corroborat sententiam. Multis pariter exemplis hoc nostrum assertum declarari posset, sed brevitati studentes iis enumerandis supersedemus.

Jam ad membrum Thesios posterius aërem esse causam motus violenti celerioris ab initio, in fine tardioris, ubi pariter dissidia sunt auctorum, nec circa idem eadēm ratione modoque sentiunt, cum alia jam res sit & inversum plane negotium. Sicut in motu naturali est quædam quoad principium & finem difformitas, ita & in motu violento, nam illic in initio tarditas & in fine velocitas, hic modo contrario in principio celeritas, in fine tarditas. Magirus dividit motum per accidens in violentum & violentie expertem. Violentum definit, ad quem nil confert natura mobilis, sed vi perficitur: cajus species quatuor constituit, Pulsionem, tractionem, ventionem, & vertiginem. Violentiae vero expertem vocat, cum aliquid movetur ad motum alterius: ut, cum motâ navi, navita quoque quiescens moveatur. Verum huic posteriori distributioni non subscri-

bimus, quia unum idemque hoc exemplum de navis
 motâ, & navita, adfert ad motum violentiæ expertem,
 & ad motus violentiæ speciem ventionem scilicet, nihil
 que discriminis dare potest inter has, nec distingvuntur
 definitionibus à Magistro adhibitis. Violentum enim ait
 esse, ad quem nil confert natura mobilis. Atqui ad
 motum violentiæ expertem natura mobilis & ipsa nil con-
 fert. Contenti itaque sumus illa motus divisione quam
 sistit nobis Sperlingius, in naturalem & violentum: hujus
 Species sunt pulsio, tractio &c. Omne enim movens, si
 fuerit causa interna motus naturalis; si externa, motus
 violentus est. sic motus lapidis in altum projecti non
 est à sua forma, quia est violentus, omne violentum na-
 turæ inimicum, sed est à causa quadam externa. Jam
 quærat quis, unde jam est ille lapidis continuatus motus
 etiam à projiciente separatus? eum aut à virtute move-
 nis, aut à virtute mobilis seu seipso, aut à virtute medii,
 aut à nullo esse, necesse est. At non est à virtute move-
 nis: quia ibi non datur contactus, cum videmus eum
 separatum esse à projiciente, & non amplius tangi: unio-
 namque necessaria requiritur inter agens & patiens. Nec
 est à virtute mobilis seu causa interna, quia motus ille
 contra naturam fit, & nihil in rerum natura seipsum
 movet motu violento: neque à nullo est: quia quicquid
 movetur, ab alio movetur. Jam restat ipsum medium,
 quod adversarii pro causa non agnoscunt, ob rationes,
 quas modo subnectemus. Verum recurrent etiam non-
 nulli magni nominis Philosophi ad virtutem quandam
 motivam, quæ in primi debeat à projiciente, quam ita
 describunt: Cum lapis jaeitur, illâ vi & impulsu pro-
 jectionis, in primi in eo à projiciente virtutem quandam:

motis.

motivam, quæ inherens in lapide, movet ipsum cum
 est disjunctus à projiciente: movet autem per tan-
 tum spatum, quanta est virtus motiva: hæc autem tanta
 est, quanta fuit contentio, vis & impulsus projicientis, cum
 primùm lapidem projectit, eique virtutem hanc impressit.
 Huic sententiae favet Combachius Lib. I. Physic. Cap. 7. p.
 193. 94. Etiam Septalius, qui hæc verba prioribus addit:
 Hæc verò impressio nihil aliud est, quam forma quædam
 accidentalis, conservans in ipso mobili virtutem agentis, ut
 motus continuari & perpetuari possit. Scaliger etiam huic
 sententiæ suffragatur, & motionem formam impressam
 salutat. Omnis actio, inquit, aut est forma accidentalis,
 à quâ nonnunquam opus appareat manifestum, atque et-
 jam extat ut compactio navis &c. de quo videatur Exerc.
 28. S. 1. Hæc sententia ut plurimis, ita inextricabilibus
 implicatur difficultatibus. Nam stante hac (1) Accidens
 numero idem migraret de subjecto in subjectum, ut
 hic de projiciente in lapidem projectum, quod commu-
 ni Lògicorum ore est explosum. (2) sequeretur virtutem
 impressam, quæ illis qualitas motiva audit, esse levita-
 tem cum lapidem sursum, & esse gravitatem cum eum
 deorsum movet, & sic qualitates motivæ suspenderentur
 ab arbitrio projicientis: quod àππην, qualis autem sit cum
 dextrorum vel sinistrorum movetur, scire ave. (3) Vir-
 tutem illam sursum moventem, aut dices convenire
 specie cum levitate aëris, aut etiam differre, at con-
 venire non potest, quia obstant diversæ causæ efficientes,
 & modus agendi diversus. Si rursus dicas differre, tum
 non potis est ferre lapidem secum in sublime, & eun-
 dem cum levitate aëris occupare locum. Denique duo
 levia uni gravitati terræ opponerentur. (4) Sequeretur
 motum localem novam aliquam formam producere,
Imus
 quod

quod negat Arist. 8. Physic. text. 59. Alia uttaceamus absurditatum, plausta, quæ exinde deducunt & evincunt alii. Nos igitur veriorem & tutiorem viam secuti, illius motus violenti ab initio velocioris, causam, ipsum quoque medium esse asseveraramus: quam causam alii, ut Plato, appellarunt *Antiperistasis*, teste Scaligero Exerc. 28. S. I. Quod medium ut servet suam continuitatem & penetrationum dimensionem, vacuumque impediatur, à lapide dissipatum sese unit, ut postea exemplo aëris expeditum dabimus. Videatur Zabarella Lib. I. de motu gravium & levium. Pererius Lib. 14. de var. & divis. mot. C. 5. pag. 749. Hoc medium motus istius causam faciunt dupliciter, alii respectu aëris impellentis, alii respectu ejusdem cedentis. Priori hoc modo & ratione impellantis, agnoscimus aërem esse causam motus, posterioris non, quia ex posteriori inferunt quod aër potissimum hunc mórum habet propter ipsum vacuum, quod impedire & supplere necessum habet. Aërem namque fugient & subtrahentes se lapidi, si non lapis identidem absque ulla mora succederet, vacuum dari nemo inficias eat. Sed ocurrat Scaliger: Ecce, inquit, quemadmodum non per impulsionem instantis aëris, ut Plato, sed per cessionem impulsus: cuius in locum subeat aëris, ne vacuum detur. Quæ tamen ratio nequam nobis satisfacere demonstravimus. Non enim potest antecedens aëris velocius moveri, quam movetur lapis, à quo semel est impulsus aëris ille. Nam quomodo moveretur magis, quam ipsum movens moveret? Itaque major est difficultas ad intelligendum, quam naturā fultus aëris subtrahat se lapidi, à quo non est per se pulsus; quam

quovodo lapis à non tangente manu moveatur, que il-
lum per se primò pepulit &c. Bass Lib. de Motu, art. 2.
non paucis verbis hanc profligat. Proinde si aér lon-
giùs procurreret ipso lapide, tum longe facilius foret
alium aérem transversum intercedere, quām lapidem
succedere in locum, qui corpus est maximè durum, so-
lidum atque grave, & propter violentiam illam naturæ
ejus maximè repugnat. Priorem illam divisionem (quā
medium ratione aëris impellentis causam faciunt) ex-
plicaturi, paucis verbis indicabimus illam esse nostram,
& simul demonstrabimus quam congrua, tuta, & præ ce-
teris explicabilis illa sit. Exemplum haud obscurum sup-
peditat nobis lapis, qui è manu projectus primam vim
atque virtutem debet ipsi moventi, cuius impulsu divi-
dit, rumpit, atque propellit aérem: Illa sectio atque
fractio cum sit contra naturam atque continuatatem a-
ëris, (unionem enim quamlibet naturam amare superi-
us inculcavimus) partes ejus divisæ, ne relinquatur vacu-
um, magno impetu ad sui unionem rident, quo concur-
su protrudunt lapidem, sed non tanta vi, qvanta fuit prima
à projiciente. Illa iterum virtute, quam protrusus lapis
nactus est, rursus alium aérem disjicit atque secat, quì
aér dissipatus concurrendo protrudit denuò projectum.
Quo iterum iterumque facto, utriusque vires atque
impetus debilitantur atque senescunt, donec tandem pe-
detentim per imminutionem continuam inclinet ad
centrum, & à naturâ sibi destinatum locum petat, quò
quiescat. Manum nobis hac in re porrigunt Aristote-
les in Lib. de Quæst. mech. q. 33. Themistius & alii. Idem
valet de sagitta per nervum arcus excussâ, globulo è bom-
barda

barda vi pulveris pyrii exploso, aliisque motibus violen-
tis. Quod autem obstant nobis hisce suis machinis, non
tantæ sunt, quin leviorationis brachio everti queant.
1. *ratio* hæc est: cur non lapis projectus in sublime, à
vento etiam vehementissimo longius ferretur, quàm cum
manu aut nervo arcus projicitur. 2. *ratio* cur pluma
non habet vim dividendi aërem? & cur non majori
facilitate pluma quam lapis impellitur. 3. *ratio*: Quo-
modo aër naturâ inquietus, fluctuans & vagus possit
tam directè & modo regularissimo dirigere telum, ut
feriat scopum & non potius ad suum locum sursum, aut
fortè ad alterutrum latus tendat? Hæ difficultates pro-
positæ non tanti sunt momenti, ut assertum nostrum
infringere valeant. Itaque breviter ad singula responde-
bimus: Primum quod attinet argumentum: tum qvam-
vis flet ventus, & aër totus commoveatur, non tamen
ita unitus & conjunctus movetur, ac tum, cum pars aëris
per lapidem à projiciente propellitur. Ideoque non
tantam habet efficaciam ad protrudendum lapidem &
motum continuandum. Ad secundum dicimus: aërem
non propellere projecta, nisi à projectis primò protu-
datur, atque pluma, stramen &c. non habent dividendi
vim, ergo nec promoventur longius. Lapi des verò, sa-
gittæ & globuli, cum insigni vi aërem dividendi pol-
leant, vicissim propelluntur ab aëre vehementer.
Tertium quod concernit: ad id tenendum, rationem
referendam esse in ipsum jaculatorum, qui per li-
neam quandam rectam sagittam dirigendo, directe &
reguraliter dividit aërem, qui aër disiectus, in eadē
jineā protrudit sagittam vel globulum, eousque, quo-

prædestinatam metam attingere queat. Atque hæc erant, quibus breviter objectiunculam enervare animus fuit, ut taceamus quod non minus sui ipsorum de virtute impressa, statuminationi accommodari, & æquè ac nostrum assertum solicitare videtur. Et si adhuc ultimo quis de tanta aëris vi & potestate in corpora gravia, & studio servandi continuitatem dubitet, ille perpendat, velim spirituum & flatuum in animalibus virtutem, actiones item aëris in terræmotu, tonitru, fulmine ventis &c. æquâ lance etiam ponderet experimentum non minus jucundum quam utile, quod enarrat Cureus Lib. 2. de sensu & Sensibil. Cap. 38. p. 209. & seqq. Miranda, infit, naturæ industria est, in servanda corporum mundi contiguitate. Explosa fuit bombarda in quoddam conclavi, orbes vitrei universi ex fenestrâ excusse sunt, & quidem omnes cecidere in ipsum conclavis pavimentum, non in proximam viam. Ratio manifesta est, quia aëris ille fragore repente, & violenta ratione fuit divisus, ne vero daretur vacuum, latentes aëris partes subito se uniæ, & simul magnâ violentiâ, eum, qui erat extra fenestras, aërem attraxeré, qui dum confertim & cum suo violentiâ irrumpit, vitrum confregit. Hæc ille ex Marco Antonio Passero. At jam citra opinionem in destinatam molem crevisse cernimus opus, cum tamen præter hæc etiam nobis copiam fore credidimus; ad unum vel alterum Theorema ulterius tractandum, sed jam intermittere, & angustiora ingenii vela contrahere cogimur. Itaque Lector candide, candido affectu, candidos nostros ardua tentantes interpretare conatus, & simpli-

citatem

citatem brevemque hanc expositionem propter temporis
 angustias, subsidiorumque defectum obortam, benigni-
 tatis Tuæ oculo aspice. Quo facto non nihil mihi, magis
 Tibi, maximè Deo Te inservire putas, Qui talia auspi-
 canti, felicem ingressum, feliciorem progressum, feli-
 cissimumque egressum largitur paternè. Cui operum
 nostrorum Ductori & Directori, sit laus, honor,
 & gloria, in secula nunquam
 terminanda!!!

